


Broj: 03-33-254/2022
Sarajevo, 04.08.2022. godine



**PARLAMENT FEDERACIJE
BOSNE I HERCEGOVINE**

- **Predstavnički dom-**
gosp. Mirsad Zaimović, predsjedavajući
- **Dom naroda –**
gosp. Tomislav Martinović, predsjedavajući

Poštovani,

U prilogu Vam dostavljam **INFORMACIJU O EPIDEMIOLOŠKOJ SITUACIJI COVID-19 U FEDERACIJI BOSNE I HERCEGOVINE NA DAN 01.08.2022. GODINE, S PRIJEDLOGOM NAREDBI I PREPORUKA KRIZNOG ŠTABA FEDERALNOG MINISTARSTVA ZDRAVSTVA**, koju je Vlada Federacije Bosne i Hercegovine usvojila na 327. sjednici, održanoj 04.08.2022. godine, Zaključkom V. broj: 1184/2022 od 04.08.2022. godine.

S poštovanjem,



Prilog: kao u tekstu

GOVERNMENT

Na osnovu člana 19. stav (4) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), na prijedlog Kriznog štaba Federalnog ministarstva zdravstva, a u cilju realizacije Zaključka Vlade Federacije Bosne i Hercegovine V. broj: 21/2021 od 08.01.2021. godine donijetog s ciljem implementacije Odluke o dopustivosti i meritumu Ustavnog suda Bosne i Hercegovine u predmetu E.Š. i dr. broj: AP-3683/20 i Odluke o dopustivosti i meritumu Ustavnog suda Bosne i Hercegovine u predmetu M.D. i drugi broj: AP-3932/21, Vlada Federacije Bosne i Hercegovine na 327. sjednici, održanoj 04.08.2022. godine, donosi

ZAKLJUČKE

**o usvajanju Informacije o epidemiološkoj situaciji COVID-19 u
Federaciji Bosne i Hercegovine na dan 01.08.2022. godine s prijedlogom naredbi i
preporuka Kriznog štaba Federalnog ministarstva zdravstva**

1. Usvaja se Informacija o epidemiološkoj situaciji COVID-19 u Federaciji Bosne i Hercegovine na dan 01.08.2022. godine s prijedlogom naredbi i preporuka Kriznog štaba Federalnog ministarstva zdravstva.
2. Usvajaju se Naredbe Kriznog štaba Federalnog ministarstva zdravstva koje su sastavni dio ovih zaključaka (Prilog 1).
3. Usvajaju se Preporuke Kriznog štaba Federalnog ministarstva zdravstva koje su sastavni dio ovih zaključaka (Prilog 2).
4. Naređuje se vladama kantona, odnosno kriznim štabovima kantonalnih ministarstava zdravstva da kontinuirano prate epidemiološku situaciju na području kantona, te u slučaju pogoršanja pravovremeno djeluju i donose mjere spram epidemiološke situacije i o tome redovno izvještavaju Krizni štab Federalnog ministarstva zdravstva.
5. Zadužuje se Krizni štab Federalnog ministarstva zdravstva da kontinuirano prati epidemiološku situaciju COVID-19 na području Federacije Bosne i Hercegovine, te u slučaju pogoršanja odmah preporuči Vladi Federacije BiH nove mjere spram epidemiološke situacije.
6. Naredbe i Preporuke Kriznog štaba Federalnog ministarstva zdravstva donose se s rokom važenja od 30 dana računajući od dana, 04.08.2022. godine, koji se utvrđuje kao dan početka primjene ovih naredbi i preporuka.
7. Zadužuje se Krizni štab Federalnog ministarstva zdravstva da ove zaključke s priložima dostavi prema kriznim štabovima kantonalnih ministarstava zdravstva, kantonalnim ministarstvima zdravstva, zdravstvenim ustanovama s područja kantona putem kriznih štabova kantonalnih ministarstava zdravstva, kliničkim centrima u Federaciji BiH, općim, kantonalnim i specijalnim bolnicama putem kriznih štabova kantonalnih ministarstava zdravstva, Federalnoj i kantonalnim upravama za inspeksijske poslove i Upravama policija MUP-a kantona.

8. U skladu sa zaključkom V. broj 21/2021 od 08.01.2021. godine pod tačkom 4., Vlada Federacije Bosne i Hercegovine će obavijestiti Parlament Federacije Bosne i Hercegovine o epidemiološkoj situaciji u Federaciji Bosne i Hercegovine i mjerama Vlade Federacije Bosne i Hercegovine koje su donesene u cilju zaštite zdravlja građana i smanjenja rizika za širenje virusa, na 327. sjednici održanoj dana, 04.08.2022. godine.
9. Ovi zaključci stupaju na snagu danom donošenja i objavit će se u "Službenim novinama Federacije BiH".

V. broj: 1986/2022
04.08.2022. godine
Sarajevo



PREMIJER

Fadil Novalić
Fadil Novalić

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA**

**BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH**

**INFORMACIJA
O EPIDEMIOLOŠKOJ SITUACIJI COVID-19 U FEDERACIJI BOSNE I
HERCEGOVINE NA DAN 01.08.2022. GODINE, S PRIJEDLOGOM
NAREDBI I PREPORUKA KRIZNOG ŠTABA
FEDERALNOG MINISTARSTVA ZDRAVSTVA**

Sarajevo, august 2022. godine

Cilj Informacije je realizacija provedbe Odluke o dopustivosti i meritumu Ustavnog suda Bosne i Hercegovine u predmetu E.Š i dr. broj: AP-3683/20, te s tim u vezi ispunjavanje obaveza iz tačke III. stav (1) Odluke o proglašenju prestanka stanja prirodne nesreće uzrokovane pojavom koronavirusa (COVID-19) na području Federacije Bosne i Hercegovine („Službene novine Federacije BiH“, br. 34/20 i 5/21).

Uz informaciju se daje kompletan pregled epidemiološke situacije COVID-19 u Federaciji Bosne i Hercegovine, te prijedlozi naredbi i preporuka Kriznog štaba Federalnog ministarstva zdravstva.

Epidemiološki izvještaj o COVID-19 u Federaciji BiH – 01.08.2022.

UKUPAN BROJ TESTOVA

1299302

UKUPNO POTVRĐENIH

255849

UKUPNO IZLIJEČENIH

239270

UKUPNO UMRLIH


8922

UKUPNO AKTIVNIH

7657

Prema podacima dostavljenim Zavodu za javno zdravstvo FBiH u Federaciji BiH, zaključno s 01.08.2022. u 12h, registrovano je 255.849 laboratorijski potvrđenih slučajeva COVID-19 bolesti i 8.922 smrtnih slučajeva povezanih s COVID-19. Trenutno je evidentirano 7.657 aktivnih slučajeva COVID-19.

Grafikon 1. Distribucija laboratorijski potvrđenih slučajeva COVID-19, Federacija BiH (do 01.08.2022. u 12h)



Plava linija – dnevni broj novih slučajeva, crvena linija – sedmodnevni prosjek broja novih slučajeva.

Tabela 1. Broj i incidenca laboratorijski potvrđenih i smrtnih slučajeva COVID-19 prema kantonima, Federacija BiH, 01.08.2022.

KANTON	Ukupan broj potvrđenih slučajeva	Incidenca na 100.000	Slučajevi u zadnjih 7 dana	7-dnevna incidenca na 100.000	Broj smrtnih slučajeva	Smrtnost na 100.000
Unsko-sanski kanton	9700	3621.11	49	18.29	773	288.57
Posavski kanton	3768	9113.34	94	227.35	153	370.05
Tuzlanski kanton	44227	10078.83	478	108.93	1870	426.15
Zeničko-dobojski kanton	18974	5295.68	160	44.66	1714	478.38
Bosansko-podrinjski kanton	2727	11835.42	2	8.68	127	551.19
Srednjobosanski kanton	12969	5190.11	108	43.22	847	338.96
Hercegovačko-neretvanski kanton	52372	24137.9	282	129.97	874	402.82
Zapadnohercegovački kanton	16892	18088.56	64	68.53	403	431.55
Kanton Sarajevo	86350	20535.27	134	31.87	1951	463.98
Kanton 10	7870	9837.01	2	2.5	210	262.49
Federacija BiH	255849	11682.08	1373	62.69	8922	407.38

Na nivou Federacije BiH, 7-dnevna incidenca iznosi 62.69 slučajeva/100.000 stanovnika. U posljednjih sedam dana, više incidence od prosječne zabilježene u Federaciji BiH imaju Posavski kanton, Hercegovačko-neretvanski kanton, Tuzlanski kanton i Zapadnohercegovački kanton. Rezultati antigenskih testiranja nisu uključeni u ovaj izvještaj, te stoga ne prikazuju realno stanje epidemiološke situacije. S obzirom na lakšu dostupnost, brže rezultate testa i nižu cijenu testiranja, većina zdravstvenih ustanova se odlučuje na testiranje RAT (brzi antigenski test).

U proteklih 7 dana zabilježen je 21 smrtni slučaj.

Hospitalizirani

U Federaciji BiH, na bolničkom liječenju* trenutno je 148 osoba zbog COVID-19, od kojih je 8 (5,4%) na invazivnoj mehaničkoj ventilaciji. Prema dostavljenim podacima, od 126 hospitaliziranih osoba s podatkom o vakcinalnom statusu, 96 (76,2%) je nevakcinisanih i nepotpuno vakcinisanih, a 30 (23,8%) potpuno vakcinisanih.

**Nedostaju podaci iz Zapadnohercegovačkog kantona, a iz Hercegovačko-neretvanskog kantona su nepotpuni.*

Ovaj epidemiološki izvještaj sadrži informacije prikupljene putem uspostavljenog sistema nadzora nad COVID-19 u Federaciji Bosne i Hercegovine, na sedmičnoj osnovi. Informacije o dnevnoj epidemiološkoj situaciji dostupne su na online platformi: www.covid-19.ba.

Izvori: online platforma www.covid-19.ba, izvještaji kantonalnih zavoda za javno zdravstvo i zdravstvenih ustanova u Federaciji Bosne i Hercegovine.

Izvještaj pripremila Služba za epidemiologiju, ZZJZ FBiH.

Vakcinacija protiv COVID-19 u Federaciji Bosne i Hercegovine

Ukupan broj administriranih vakcina u Federacija BiH po kantonima

Kanton	Ukupan broj vakcinisanih u Federaciji BiH po kantonima (period 08.03.2021. -24.07.2022. godine)										Ukupan broj vakcinisanih u Federaciji BiH po kantonima (26. sedmica - period 27.06.-24.07.2022. godine)								
	Ukupan broj stanovnika sa navršenih 18 godina do 85+	Ukupno administriranih doza vakcina protiv COVID-19	Vakcinisani prvom dozom	Vakcinisani drugom dozom	Vakcinisani trećom dozom	Vakcinisani četvrtom dozom	% vakcinisanih prvom dozom	% vakcinisanih drugom dozom	% vakcinisanih trećom dozom	% vakcinisanih četvrtom dozom	Ukupno administriranih doza vakcina protiv COVID-19	Vakcinisani prvom dozom	Vakcinisani drugom dozom	Vakcinisani trećom dozom	Vakcinisani četvrtom dozom	% vakcinisanih prvom dozom	% vakcinisanih drugom dozom	% vakcinisanih trećom dozom	% vakcinisanih četvrtom dozom
Unsko-sanski	219.955	92.510	43.134	39.424	9.952	0	19,61	17,92	4,52	0,00	0	0	0	0	0,00	0,00	0,00	0,00	
Posavski	35.731	17.397	7.279	6.759	3.359	0	20,37	18,92	9,40	0,00	0	0	0	0	0,00	0,00	0,00	0,00	
Tuzlanski	361.714	273.733	126.868	121.560	25.209	96	35,07	33,61	6,97	0,03	198	18	26	98	56	0,00	0,01	0,03	0,02
Zeničko-dobojski	290.693	195.590	91.144	87.901	16.512	33	31,35	30,24	5,68	0,01	108	18	10	63	17	0,01	0,00	0,02	0,01
Bosansko-podrinjski	18.939	21.331	9.423	8.939	2.963	6	49,75	47,20	15,64	0,03	14	3	0	7	4	0,02	0,00	0,04	0,02
Srednjo bosanski	204.956	120.163	55.663	54.521	9.955	24	27,16	26,60	4,86	0,01	30	6	5	12	7	0,00	0,00	0,01	0,00
Hercegovačko-neretvanski	180.160	98.733	47.993	42.529	8.200	11	26,64	23,61	4,55	0,01	55	10	7	29	9	0,01	0,00	0,02	0,00
Zapadno hercegovački	76.538	20.963	9.654	9.483	1.826	0	12,61	12,39	2,39	0,00	25	7	9	9	0	0,01	0,01	0,01	0,00
Sarajevski	343.451	347.068	153.637	148.211	44.945	275	44,73	43,15	13,09	0,08	196	11	24	77	84	0,00	0,01	0,02	0,02
Kanton 10	68.591	19.792	9.477	8.620	1.694	1	13,82	12,57	2,47	0,00	0	0	0	0	0	0,00	0,00	0,00	0,00
UKUPNO	1.800.728	1.207.280	554.272	527.947	124.615	446	30,78	29,32	6,92	0,02	626	73	81	295	177	0,00	0,00	0,02	0,01

*Podatci o ukupnom broju stanovnika u dobi od navršenih 18 do 85+ godina – izvor Federalni zavod za statistiku

*U 29. sedmici (18.07.-24.07.2022.) nije bilo cijepljenja protiv COVID-19 u USK, PK i K10

Ukupan broj administriranih doza u Federacija BiH prema vrsti vakcine

Ukupan broj vakcinisanih u Federacija BiH prema vrsti vakcine																					
Vrsta vakcine	Ukupno administriranih doza vakcina protiv COVID-19	Vakcinisani prvom dozom	Vakcinisane osobe po kategoriji				Vakcinisani drugom dozom	Vakcinisane osobe po kategoriji				Vakcinisani trećom dozom	Vakcinisane osobe po kategoriji				Vakcinisani četvrtom dozom	Vakcinisane osobe po kategoriji			
			Zdravstveni radnici	Hronični bolesnici mlađi od 60 godina	Osobe sa 60 i više godina	Ostali		Zdravstveni radnici	Hronični bolesnici mlađi od 60 godina	Osobe sa 60 i više godina	Ostali		Zdravstveni radnici	Hronični bolesnici mlađi od 60 godina	Osobe sa 60 i više godina	Ostali		Zdravstveni radnici	Hronični bolesnici mlađi od 60 godina	Osobe sa 60 i više godina	Ostali
AstraZeneca	369.019	190.990	11.484	54.301	80.173	45.032	177.319	10.645	47.480	74.810	44.384	710	410	148	80	72	0	0	0	0	0
Pfizer	514.083	204.662	11.362	56.120	72.598	64.582	201.038	9.485	51.887	75.837	63.829	108.005	5.490	23.956	57.801	20.758	378	6	86	255	31
Sinovac	52.647	26.578	636	2.663	17.481	5.797	25.311	485	3.467	16.098	5.261	755	6	75	622	52	3	0	3	0	0
Moderna	22.285	7.929	39	2.290	1.511	4.089	7.247	41	1.672	1.645	3.889	7.067	736	2.067	2.910	1.354	42	1	11	30	0
Sputnik V	12	12	0	4	6	2	0	0	0	0	0	0	0	0	0	0	0	0	0	0	0
Sinofarm	249.234	124.101	794	36.015	59.875	27.417	117.032	582	35.659	55.363	25.428	8.078	83	1.413	5.307	1.275	23	0	2	18	3
Johnson&Johnson	0	0	0	0	0	0	0	0	0	0	0	0	0	0	0	0	0	0	0	0	0
UKUPNO	1.207.280	554.272	24.315	151.393	231.644	146.919	527.947	21.238	140.165	223.753	142.791	124.615	6.725	27.659	66.720	23.511	446	7	102	303	34

*U 29. sedmici (18.07.-03.07.2022.) nije bilo cijepljenja protiv COVID-19 u USK, PK I K10

Ukupno broj distribuiranih vakcina prema kantonima za period od 08.03.2021 - 17.07.2022. godine

Kanton	Ukupno broj distribuiranih doza vakcina protiv COVID-19 (17.07.2022)	Ukupno administriranih doza vakcina protiv COVID-19 (17.07.2022)	Broj doza kojim raspoložu	Postotak od ukupne količine (%)
Unsko-sanski	103.812	92.510	11.302	10,89
Posavski	28.290	17.397	10.893	38,50
Tuzlanski	293.898	273.733	20.165	6,86
Zeničko-dobojski	256.502	195.590	60.912	23,75
Bosansko-podrinjski	21.950	21.331	619	2,82
Srednjo bosanski	148.942	120.163	28.779	19,32
Hercegovačko-neretvanski	146.374	98.733	47.641	32,55
Zapadno hercegovački	26.804	20.963	5.841	21,79
Sarajevski	385.110	347.068	38.042	9,88
Kanton 10	29.916	19.792	10.124	33,84
UKUPNO	1.441.598	1.207.280	234.318	16,25

**U 29. sedmici (18.07.-24.07.2022.) nije bilo cijepjenja protiv COVID-19 u USK, PK i K10*

Količine vakcina zaprimljene od strane ZZJZFBiH (period 08.03.2021. – 20.07.2022. godine)

Vrsta	FBiH – zaprimljeno doza	Napomena	Datum zapisnika MCP	Broj zapisnika
AstraZeneca	10.000	10.000 donacija od Republike Srbije Federaciji (uzeto 60 doza na analizu od strane ALMBiH)	02. i 12.03.2021	M-02-02-1-41/21
Pfizer	15.210	COVAX mehanizam (uzeto 6 bočica za analizu)	25.03.2021	M-02-02-1-63/21
AstraZeneca	17.100	Covax mehanizam	26.03.2021	M-02-02-1-63-2/21
Sinovac	17.980	Donacija Republike Turske za FBiH (uzeto 40 doza za analizu)	30.03.2021	M-02-02-1-67/21
	400	Donacija Republike Turske za FBiH za vakcinaciju turskih zaposlenika u ambasadi Turske		
AstraZeneca	10.000	Donacija Republike Srbija Kantonu Sarajevo	10.04.2021	M-02-02-1-78/21
Sinovac	10.000	Donacija Republike Turske za FBiH za vakcinaciju policije (40 uzeto za analizu)	26.04.2021	M-02-02-1-87/21
Sinofarm	30.360	Donacija Republike Kine za FBiH (raspodjela na teren kreće od 05.05.2021. godine)	29.4.2021.	M-02-02.-1-95-1/21
Pfizer	5.850	EU4Health	10.05.2021	M-02-02-1-108/21
AstraZeneca	500	Donacija UN za potrebe vakcinacije UN zaposlenika i članova njihovih porodica (-40)	10.05.2021	M-02-02-1-109/21
Pfizer	5.850	EU4Health	4.5.2021.	M-02-02-1-95/2021
Pfizer	35.100	Covax	11.05.2021	M-02-02-1-110/21
Pfizer	29.250	Covax	12.05.2021	M-02-02-1-113/21
Pfizer	7.020	EU4Health	17.05.2021	M-02-02-1-121/21
AstraZeneca	26.480	Covax mehanizam	17.05.2021	M-02-02-1-118/21
AstraZeneca	10.000	Donacija Republike Srbije FBiH	18.05.2021	M-02-02-1-122/21
Pfizer	8.190	EU4Health	24.05.2021	M-02-02-1-125/21
Pfizer	5.850	EU4Health	31.05.2021	M-02-02-1-131/21
AstraZeneca	9.067	Donacija Republike Hrvatske FBiH	04.06.2021	M-02-02-1-135-1/21
	15.000	Donacija Republike Hrvatske FBiH - Sveučilišnoj kliničkoj bolnici Mostar		
Pfizer	5.850	EU4Health	09.06.2021	M-02-02-1-140/21
Pfizer	5.850	EU4Health	16.06.2021	M-02-02-1-150-1/21
AstraZeneca	4.960	Donacija RS za Tuzlu	18.06.2021	M-02-02-1-151-1/21
Pfizer	8.190	EU4Health	23.06.2021	M-02-02-1-155-1/21
Pfizer	8.190	EU4Health	30.06.2021	M-02-02-1-171/21
Sinovac	30.427	Donacija Republike Malezije FBiH	25.06.2021	M-02-02-157/21
AstraZeneca	10.000	Donacija Republike Srbije Kantonu Sarajevo	05.07.2021	M-02-02-1-174/21
Pfizer	4.680	EU4Health	07.07.2021	M-02-02-1-180/21
Sinofarm	100.000	Donacija Republike Mađarske FBiH	07.07.2021	M-02-02-1-179/21
AstraZeneca	500	Donacija UN za potrebe vakcinacije UN zaposlenika i članova njihovih porodica (-40)	12.07.2021	M-02-02-1-185/21
AstraZeneca	37.200	Donacija republike Grčke	14.07.2021	M-02-02-1-188/21
Pfizer	5.850	EU4Health	14.07.21021	M-02-02-1-189/21
AstraZeneca	36.830	Donacija Grčke	14.07.21021	M-02-02-1-188-2/21
AstraZeneca	24.800	Donacija Azerbejdžan	21.07.2021	M-02-02-1-195/21
AstraZeneca	86.360	Donacija Hrvatska	21.07.2021	M-02-02-1-196/21
Pfizer	8.190	EU4Health (uzeto 6 doza za analizu)	21.07.2021	M-02-02-1-197/21
Pfizer	8.190	EU4Health	28.07.2021	M-02.02-1-201/21
AstraZeneca	29.610	Donacija Slovenija	28.07.2021	M-02-02-1-202/21
AstraZeneca	25.170	Covax mehanizam	04.08.2021	M-02-02-1-207/21
Pfizer	8.190	EU4HEALTH	04.08.2021	M-02-02-1-208/21
Sinofarm	500.000	Direktna nabavka	10.08.2021	S-02-02-1-606-6/21
Pfizer	10.530	EU4Health		M-02-02-1-216-1/21
AstraZeneca	30.840	Donacija Republike Bugarske	11.08.2021	M-02-02-1-215-1/21
AstraZeneca	307.710	Donacija Republike Austrije (uzeto 30 doza za kontrolu serije po 10 doza od sve tri serije)	13.08.2021	M-02-02-1-220/21
Pfizer	10.530	EU4Health		M-02-02-1-223/21
Pfizer	12.870	EU4Health	25.08.2021	M-02-02-1-226/21
Pfizer	64.350	Covax mehanizam	26.08.2021	M-02-02-1-229/21
Pfizer	60.840	Donacija vlade Slovenije	20.10.2021	M-02-02-1-286/21
Moderna	43.180	Donacija Republike Hrvatske	25.10.2021	M-02-02-1-290/21
Pfizer	117.000	Donacija Republike Poljske	03.11.2021	M-02-02-1-302/21
Pfizer	71.370	Donacija Republike Francuske	24.12.2021	M-02-02-1-360-1/21
Moderna	48.000	Donacija Republike USA	11.01.2022	M-02-62-1-14/22
Pfizer	156.780	Donacija Republike Bugarske	21.01.2022	M-02-02-1-39/22
Pfizer	81.900	Donacija Republike Poljske	04.03.2022	M-02-02-1-93/22
Pfizer	19.890	Donacija Republike Hrvatske	26.05.2022	M-02-02-1-185/22
Moderna	20.000	Donacija Republike Hrvatske	26.05.2022	M-02-02-1-185/22
UKUPNO	2.274.034			

Sve vakcine protiv COVID-19 koje se nalaze u prometu u Federaciji BiH su kontrolisane od strane regulatornog tijela - Agencije za lijekove i medicinska sredstva BiH, a u skladu s članom 79. Zakona o lijekovima i medicinskim sredstvima ("Službeni glasnik BiH", broj 58/08), kao i Pravilnikom o načinu kontrole lijekova ("Službeni glasnik BiH", broj 97/09). Znači, u prometu u Federaciji BiH su samo vakcine koje imaju nalaz o provedenoj kontroli svake uvezene serije vakcina protiv COVID-19 izdatog od strane Kontrolnog laboratorija Agencije za lijekove i medicinska sredstva BiH.

Rok trajanja vakcine određen je u uputstvu proizvođača vakcina odnosno, sastavni je dio SmPC-a (sažetak karakteristika lijeka).

Napominjemo da je Agencija za lijekove i medicinska sredstva BiH svojim aktom broj: 10-02-3-6086/21 od 01.10.2021. godine, obavijestila Ministarstvo civilnih poslova BiH, entitetska ministarstva zdravstva, Odjel za zdravstvo i druge usluge Vlade Distrikta Brčko, entitetske zavode za javno zdravstvo o ažuriranju roka trajanja za vakcinu protiv bolesti COVID-19 Comirnaty (mRNA vakcina protiv COVID-19), gdje je odobren novi rok trajanja ove vakcine (produžen sa 6 na 9 mjeseci) pod uvjetom čuvanja na izuzetno niskoj temperaturi za lijek Comirnaty u Evropskoj uniji, a na zahtjev proizvođača Pfizer. Prethodno je isto odobrila i Evropska agencija za lijekove (EMA) u septembru mjesecu 2021. godine.

Sve obavijesti u vezi vakcina, pa i navedena obavijest, dostupne su na stranici Zavoda za javno zdravstvo FBiH (<https://www.zzjzfbih.ba>) i Agencije za lijekove i medicinska sredstva BiH (www.almbih.gov.ba).

Posebno navodimo da Zavod za javno zdravstvo Federacije BiH, kao odgovorna institucija za distribuciju vakcina protiv COVID-19 prema kantonima, strogo vodi računa da distribuira samo vakcine s nalazom Kontrolnog laboratorija Agencije za lijekove i medicinska sredstva BiH, i to u režimu hladnog lanca utvrđenim u uputstvu proizvođača vakcina, odnosno u SmPC-u (sažetak karakteristika lijeka).

Procjena rizika

U Federaciji BiH se u proteklom izvještajnom periodu bilježi visok nivo prijenosa SARS-CoV-2 virusa u zajednici – 7-dnevna incidenca 62.69 slučajeva/100.000 stanovnika (25.07.-01.08.2022.). Značajne razlike u 7-dnevnoj incidenci ukazuju na različite kapacitete za PCR testiranje u kantonima, masovnije korištenje brzih antigenskih testova u zdravstvenim ustanovama i podcjenjene vrijednosti 7-dnevne incidence. U proteklih sedam dana, incidenca iznad 62.69 slučajeva/100 000 stanovnika i visok nivo prijenosa bilježi se u četiri kantona: Posavskom kantonu, Hercegovačko-neretvanskom kantonu, Zapadnohercegovačkom kantonu i Tuzlanskom kantonu. Zaključno s 01.08.2022., 148 osoba je hospitalizirano zbog posljedica COVID-19, od kojih je 8 na invazivnoj mehaničkoj ventilaciji. U proteklih 7 dana prijavljen je 21 smrtni slučaj povezan s COVID-19.

Uzimajući u obzir dominaciju Omikron podvarijanti SARS-CoV-2 virusa (BA.4 i BA.5) koje daju blažu kliničku sliku u odnosu na ranije varijante, ali i višestruko uvećanje broja hospitaliziranih osoba zbog posljedica COVID-19 u odnosu na prethodni izvještajni period, zatim i posljedično veći broj smrtnih slučajeva povezanih s COVID-19, spor proces i nedovoljan obuhvat imunizacijom protiv COVID-19 (30,8% ciljane populacije primilo je prvu dozu vakcine, 29,3% drugu dozu vakcine i 6,9% treću dozu vakcine u Federaciji BiH, samo oni koji su vakcinisani u Federaciji BiH), nedostupnost podataka o izvršenim brzim antigenskim testovima na SARS-CoV-2, procjenjujemo da je prijetnja zdravlju opće populacije umjerena do visoka.

Prema podacima sekvencioniranja i genotipizacije virusa SARS-CoV-2, Omikron je od početka 2022. godine postala dominantna varijanta na području Federacije BiH. Omikron može u određenoj mjeri izbjeći zaštitne učinke antitijela stečenih imunizacijom ili prirodnom infekcijom u skladu s faktorima kao što su broj primljenih vakcina ili vrijeme od posljednje vakcinacije, ostavljajući tako veliki dio populacije osjetljive na infekciju. Na temelju trenutno dostupnih ograničenih podataka o podvarijantama Omikrona, ne očekuje se značajno povećanje ozbiljnosti infekcije u poređenju sa ranije cirkulirajućim podvarijantama Omikrona BA.1 i BA.2. Međutim, kao i u prethodnim valovima, ako se broj slučajeva COVID-19 znatno poveća, vjerovatno će uslijediti povećan broj prijema u bolnice i jedinice intenzivnog liječenja. Iako je smanjenje ozbiljnosti kliničke slike djelimično posljedica karakteristika virusa, rezultati studija djelotvornosti vakcina pokazali su da vakcinacija igra značajnu ulogu u sprječavanju teških kliničkih ishoda infekcije Omikronom.

U aprilu 2022. godine počela je vakcinacija četvrtom dozom u Federaciji BiH za osobe starije od 60 godina i osobe s posebnim kliničkim stanjima. Budući da je obuhvat vakcinacijom nizak i da je nizak postotak kompletno imuniziranog stanovništva u Federaciji BiH, prioritet treba biti povećanje obuvata imunizacijom osoba koje nisu još vakcinisane, svih starosnih skupina, naročito osoba iznad 60 godina i osoba s komorbiditetima. Bitno je i dodatno naglasiti važnost pridržavanja preporučenih javnozdravstvenih i društvenih mjera, kao i pojačan nadzor i napore nad suzbijanjem infekcije i prekida lanaca prijenosa.

II. – PRIJEDLOG PREPORUKA I NAREDBI

Uvažavajući epidemiološku situaciju COVID-19 u Federaciji BiH, s procjenom rizika, Krizni štab Federalnog ministarstva zdravstva je 25.07.2022. godine održao sjednicu na kojoj su usvojeni prijedlozi naredbi i preporuka u cilju zaštite stanovništva od COVID-19 i sprečavanja dalje transmisije ove zarazne bolesti.

Sastavni dio ove Informacije su predložene naredbe (**Prilog 1**) i predložene preporuke (**Prilog 2**).

Prilog 1.

NAREDBE KRIZNOG ŠTABA FEDERALNOG MINISTARSTVA ZDRAVSTVA

I. NAREDBE ZA KRIZNE ŠTABOVE KANTONALNIH MINISTARSTAVA ZDRAVSTVA I USTANOVE I DRUGE SUBJEKTE U OBLASTI ZDRAVSTVA

1. Nalaže se obavezno nošenje respiratorne zaštitne maske u svim zdravstvenim ustanovama (uposlenici, pacijenti i svi posjetitelji).
2. Nalaže se zdravstvenim ustanovama da reduciraju posjete u zdravstvenim ustanovama u skladu s kriznim planom pripravnosti i odgovora na pojavu COVID-19.
3. Obavezuju se krizni štabovi kantonalnih ministarstava zdravstva, kao i zdravstvenih ustanova s područja kantona, da redovno revidiraju krizne planove pripravnosti i odgovora na pojavu novog koronavirusa (COVID-19), prema promjeni epidemiološke situacije na području kantona ili lokalne zajednice.
4. Nalaže se svim zdravstvenim ustanovama na području Federacije BiH da nastave s kontinuiranim provođenjem i primjenom kantonalnog kriznog plana pripravnosti i odgovora na pojavu COVID-19, a posebno mjera koje se odnose na hospitalizaciju osoba i drugih mjera prema izvorima zaraze, u skladu s revidiranim dokumentom „Upravljanje slučajem COVID-19 i osiguranje kontinuiteta zdravstvenih službi – prenos u zajednici“.
5. Sve zdravstvene ustanove na području Federacije Bosne i Hercegovine dužne su organizirati pružanje svih zdravstvenih usluga za koje su registrirane, u skladu s raspoloživim resursima.
6. Zadužuju se zavodi za javno zdravstvo kantona da nadziru provođenje i primjenu kantonalnog kriznog plana pripravnosti i odgovora na pojavu novog koronavirusa (COVID-19).
7. Nalaže se kriznim štabovima kantonalnih ministarstava zdravstva da u svim zdravstvenim ustanovama na području kantona, bez obzira na oblik vlasništva, kao i kliničkim centrima u Federaciji BiH, osiguraju u kontinuitetu rad bolničkih komisija i bolničkih timova s ciljem sprječavanja širenja COVID-19 infekcije u zdravstvenim ustanovama, u skladu s članom 51. Zakona o zaštiti stanovništva od zaraznih bolesti, kao i odredbama Pravilnika o uvjetima i načinu provođenja mjera za sprječavanje i suzbijanje bolničkih infekcija („Službene novine Federacije BiH“, broj 84/10).
8. Mikrobiološku djelatnost - laboratorijsku izolaciju virusne RNA i identifikaciju uzročnika zarazne bolesti (SARS-CoV-2) radi utvrđivanja dijagnoze na COVID-19 obavljaju laboratoriji zdravstvenih ustanova verificirani od strane Federalnog

ministarstva zdravstva, kao i Veterinarski fakultet Univerziteta u Sarajevu – Laboratorij za molekularno-genetička i forenzička ispitivanja, kao podrška javnom sektoru zdravstva, i to za vrijeme trajanja potrebe za obavljanje ove djelatnosti u Federaciji BiH prema epidemiološkoj COVID-19 situaciji u BiH i u svijetu.

Svi verificirani laboratoriji, kao i Veterinarski fakultet Univerziteta u Sarajevu – Laboratorij za molekularno-genetička i forenzička ispitivanja, kao podrška javnom sektoru zdravstva iz stava (1) ove tačke, dužni su čuvati originalne uzorke i ekstrakcije, na temperaturi od minimalno -20 °C, najmanje 14 dana, računajući od dana testiranja, kao i voditi ažurne evidencije o korištenim internim i pozitivnim kontrolama u smislu utvrđenih vrijednosti istih.

9. U svrhu unapređenja odgovora na pandemiju COVID-19, kod pacijenata s izraženim kliničkim simptomima karakterističnim za ovo oboljenje (u skladu s definicijom slučaja), osim PCR temeljnih testova, koji ostaju zlatni standard za dijagnostiku, preporučuje se i korištenje antigenskih testova (Ag-RDT).

Antigenski testovi se mogu koristiti u situacijama kada je PCR nedostupan ili kada je potrebno duže vrijeme za obradu, ili kada je propisano ovom naredbom. Antigenski testovi za detekciju SARS-CoV-2 moraju ispunjavati minimalne zahtjeve: $\geq 90\%$ senzitivnost i $\geq 97\%$ specifičnost u poređenju s referentnim PCR testom.

Testiranje Ag-RDT testovima se treba provoditi prema uputstvima proizvođača i nakon pojave simptoma do petog (5) dana. Negativan rezultat antigenskog testiranja ne može u potpunosti isključiti aktivnu COVID-19 infekciju, te je kod simptomatskih pacijenata potrebno ponovljeno testiranje PCR testom.

Testiranje Ag-RDT testovima u svrhu dijagnostike provode zdravstvene ustanove.

Zdravstvena ustanova koja obavlja antigenska testiranja (Ag-RDT) dužna je redovno izvještavati zavod za javno zdravstvo kantona, a zavod za javno zdravstvo kantona se obavezuje podatke o rezultatima antigenskog testiranja (Ag-RDT) dostavljati Zavodu za javno zdravstvo Federacije BiH.

10. Nalaže se mikrobiološkim laboratorijima da redovno dostavljaju podatke Zavodu za javno zdravstvo Federacije BiH o testiranim osobama na SARS-CoV-2 i rezultatima testiranja, putem online platforme COVID-19.ba, koja u realnom vremenu prikazuje podatke o COVID-19 u Federaciji BiH, a svakim danom do 12:00 sati za prethodni dan.

U slučaju da ovlaštene zdravstvene ustanove (privatne i javne) ne dostavljaju podatke putem online platforme COVID-19.ba, a kako je definirano ovom naredbom, pokrenut će se postupak po službenoj dužnosti o stavljanju van snage rješenja donesenog od strane Federalnog ministarstva zdravstva za obavljanje mikrobiološke djelatnosti - laboratorijska izolacija virusne RNA i identifikacija uzročnika zarazne bolesti (SARS-CoV-2).

Nalaže se zdravstvenim ustanovama da redovno dostavljaju podatke o hospitaliziranim pacijentima, uključujući i hospitalizirane pacijente u jedinicama intenzivne njege, pacijentima na respiratoru, težini kliničke slike i ishodu liječenja (oporavljeni i umrli), te podatke o vakcinalnom statusu, kao i vrsti primljene vakcine za sve hospitalizirane pacijente nadležnim kantonalnim zavodima za javno zdravstvo, koji su dužni obavijestiti Zavod za javno zdravstvo Federacije BiH, putem online platforme COVID-19.ba, svakim danom do 12:00 sati za prethodni dan.

Agregirane sedmične podatke o hospitaliziranim pacijentima, pacijentima na respiratoru, smrtnim slučajevima i vakcinalnom statusu hospitaliziranih pacijenata, nadležni kantonalni zavodi za javno zdravstvo dostavljaju Zavodu za javno zdravstvo Federacije BiH, putem e-maila (i.covic@zzjzfbih.ba i m.smjecanin@zzjzfbih.ba) svakog ponedjeljka do 11:00 sati, na propisanom obrascu (*Sedmični izvještaj o hospitaliziranim i pacijentima na respiratoru, smrtnim slučajevima povezanim sa COVID-19 i vakcinalnom statusu, za 2022. godinu*). Potrebno je dostaviti i zbirni izvještaj za 2021. godinu na propisanom obrascu *Zbirni izvještaj o hospitaliziranim i pacijentima na respiratoru, smrtnim slučajevima povezanim sa COVID-19 i vakcinalnom statusu, za 2021. godinu*.

11. Naređuje se svim pedijatrijskim i drugim službama primarne zdravstvene zaštite zaduženim za provođenje imunizacije da izvrše reviziju zdravstvenih kartona i plana za imunizaciju sve djece koja podliježu programu obavezne imunizacije do završetka srednje škole u saradnji s kantonalnim zavodima za javno zdravstvo i intenziviraju imunizaciju djece koja su propustila jednu ili više vakcina iz programa obavezne imunizacije.

Odgovorna osoba za provedbu ove aktivnosti je direktor doma zdravlja te je isti dužan podnijeti izvještaj Zavodu za javno zdravstvo Federacije BiH i Federalnom ministarstvu zdravstva.

Zahtijeva se nadzor nad provedbom ove mjere od strane nadležne inspekcije.

12. Naređuje se svim centrima za mentalno zdravlje da stave u punu funkciju svoje kapacitete kao podršku mentalnom zdravlju stanovništva. Odgovorna osoba za provedbu ove aktivnosti je direktor doma zdravlja te je isti dužan podnijeti izvještaj Zavodu za javno zdravstvo Federacije BiH i Federalnom ministarstvu zdravstva.

Zahtijeva se nadzor nad provođenjem ove mjere od strane nadležne inspekcije.

II. NAREDBE U VEZI ORGANIZIRANJA I PROVOĐENJA VAKCINACIJE PROTIV COVID-19

1. Naređuje se nadležnim tijelima vlasti u kantonima, kao i zdravstvenim ustanovama u kantonima kontinuirano provođenje vakcinacije protiv COVID-19 u skladu s Pravilnikom o načinu provođenja obavezne imunizacije, imunoprofilakse i hemoprofilakse protiv zaraznih bolesti, te o osobama koje se podvrgavaju toj obavezi („Službene novine Federacije BiH“, br. 22/19, 12/21 i 47/21 i 69/21), kao i preporukama Stručnog savjetodavnog tijela za imunizaciju Federalnog ministarstva zdravstva.

2. Nadležna tijela vlasti u kantonima, kao i zdravstvene ustanove u kantonima, dužna su osigurati pomoć za komunikaciju s osobama koje imaju poteškoće sa sluhom i vidom, i to najmanje jedan dan u sedmici na mjestu provođenja vakcinacije, a u skladu s odredbama člana 12. Zakona o pravima, obavezama i odgovornostima pacijenata („Službene novine Federacije BiH“, broj 40/10).

3. Zavod za javno zdravstvo Federacije BiH će organizirati vakcinaciju grupa od posebnog značaja za Federaciju Bosne i Hercegovine i Bosnu i Hercegovinu.

4. U skladu s Pravilnikom o načinima provođenja obavezne imunizacije, imunoprofilakse i hemoprofilakse protiv zaraznih bolesti, te o osobama koje se podvrgavaju toj obavezi i dopunama navedenog pravilnika nalaže se zdravstvenim ustanovama da redovno unose podatke o vakcinaciji protiv COVID-19 i putem baze: vaccine.covid-19.ba.

Organizacija vakcinacije protiv COVID-19 na nivou kantona

1. Nadležna tijela vlasti u kantonima, kao i zdravstvene ustanove u kantonima, dužna su otvoriti punktove za vakcinaciju protiv COVID-19 na nivou svake općine s ciljem veće dostupnosti vakcinacije protiv COVID-19 stanovništvu.

2. Nadležna tijela vlasti u kantonima, kao i zdravstvene ustanove u kantonima, dužna su organizirati vakcinaciju protiv COVID-19 tako da će se usluga vakcinacije pružati svakog radnog dana, najmanje tri puta sedmično do 20:00 sati, te minimalno jedan dan tokom vikenda. O dostupnim terminima nadležna tijela vlasti u kantonima, kao i zdravstvene ustanove u kantonima dužna su izvijestiti stanovništvo i postaviti obavijest o istom na vidnim mjestima u ustanovama.

3. Nadležna tijela vlasti u kantonima, kao i zdravstvene ustanove u kantonima, dužna su organizirati vakcinaciju protiv COVID-19 na mjestima većeg javnog okupljanja minimalno jednom sedmično. Zavodi za javno zdravstvo kantona dužni su o ovoj aktivnosti izvještavati krizne štabove kantonalnih ministarstava zdravstva i Krizni štab Federalnog ministarstva zdravstva jednom mjesečno.

4. Zavodi za javno zdravstvo kantona dužni su verificirati planove, obavljati monitoring i evaluaciju nad provođenjem kantonalnih planova za vakcinaciju, te o istome mjesečno informisati krizne štabove kantonalnih ministarstava zdravstva i Krizni štab Federalnog ministarstva zdravstva.

III. NAREDBE ZA USTANOVE USTANOVE SOCIJALNE ZAŠTITE

1. Nalaže se obavezno nošenje respiratorne zaštitne maske za uposlenike i posjetitelje svih ustanova socijalne zaštite.
2. Ustanove socijalne zaštite dužne su postupati saglasno internom kriznom planu za posjete i izlaske iz ustanova.

IV. NAREDBE ZA NADLEŽNA INSPEKCIJSKA TIJELA

1. Zadužuju se Federalna uprava za inspekcijske poslove, kantonalne uprave za inspekcijske poslove, kao i inspekcije organizirane pri nadležnim ministarstvima u kantonu, odnosno nadležni općinski i gradski inspektori da vrše inspekcijski nadzor, a u cilju kontrole provođenja naređenih mjera i sprječavanja širenja COVID-19 na području svoje jurisdikcije.

Prilog 2.

PREPORUKE KRIZNOG ŠTABA FEDERALNOG MINISTARSTVA ZDRAVSTVA

1. Preporučuje se stanovništvu, dok nastavljamo živjeti sa COVID-19, poduzimanje radnji kako bi smanjili rizik od zaraze i prijenosa na druge osobe, koje uključuju:
 - vakcinaciju protiv COVID-19;
 - provjetravanje zatvorenih prostorija;
 - prakticiranje dobre higijene (pranje ruku, prekrivanje nosa i usta pri kašljanju i kihanju);
 - nošenje maski u zatvorenim prostorijama u kojima se nalazi veći broj osoba gdje se stvara gužva.
2. Preporučuje se posebno osobama starije životne dobi, te osobama s hroničnim bolestima, da pri korištenju javnog prevoza i u drugim zatvorenim prostorijama s većim brojem ljudi gdje se stvara gužva, nose maske i pridržavaju se drugih osnovnih higijensko-epidemioloških mjera.
3. U slučaju pojave nekih od respiratornih simptoma kao što su: curenje nosa, bol u grlu, povišena temperatura, kašalj, gubitak mirisa ili okusa, preporučuje se osobama sa simptomima, da ostanu kući te se telefonski jave nadležnom ljekaru kako bi dobili dalje upute. Ako izlaze iz kuće, trebaju izbjegavati kontakt sa osobama koje su pod visokim rizikom od ozbiljnih oblika bolesti i poduzimanje sljedećih aktivnosti: nošenje maske, izbjegavanje mjesta gdje se okuplja veći broj ljudi, kao što je javni prijevoz i druga zatvorena slabo ventilirana mjesta s većim brojem ljudi, prekrivanje usta pri kašljanju i kihanju i učestalo pranje ruku. Mjere trebaju poduzimati i kako bi smanjili prijenos infekcije unutar domaćinstva.